

tius hæc gens videatur patuisse, quam à Ptole-
mæo describatur) à septentrione sinu Adriatico;
ab meridie denique Apennino. Primus Frenta-
norum locus à Phiterno in ora est *Campus Mar-
tinus*. Dein opidulum *Terminus*, *Termine* vel *Ter-
mole* vulgo: situm in peninsula, firmitate mœni-
orum, naturaque loci bene munitum: ducatus
habet dignitatem. Intus mille passibus à Phi-
terno, castellum est *Guilliniacum*; & altius pari
intervallo *Guarda*, *Assenia* dicta: supra quam
Luparia, *Lupara*, *Cargabotarium*, *Carga Botazzo*: *Lu-
cium*, *Lumesanum*, *Castellum Pinianum*, *Rocchetta*, *Ca-
sale Reparandum*, *Lispinetum Tornaquisum*, ultra *Bo-
janum* civitas; doctis *Bovianum* dicta: visuntur
hic *Mons niger*: *Castellutium*; & *arx Vivaria*, cum
nobili oppido *Trivento*, de quo in *Apulia Dau-
nia*. Altius offerunt sese *Salcitum*, *Fossa sicca*, *Banio-
lum* & *Civitas Nova*, *Monasterium D. Stephani*: *Turi-
num*, *Casale*, *Burdinum*, *Polistrum*, *Sernium*, *Casalan-
gra*, *Pelicornum*, *Penna*, *Guastrum Amonium*, vernacu-
le *Guastrum di Amone*. *Plinio* Melæque *Histonium*. Su-
per sunt hic quædam antiquorum operum, the-
atricum primis & prætorii vestigia. *Marchio-
natus* habet titulum. Intus deinde juxta flu-
men *Asinellam* modicum castellum est *mons
Dorisius*, *monte Dorise*, comitatus titulo clarum:
ultraque amnem fontem versus *Gessum*, *Campi-
nio*, *Campignone*, *Basilica*, *Gelinum*, *Tripalum*. Cis Sa-
rum fuit olim opidum *Anxanum*: fuit etiam
Frentanorum opidum *Ferentum*: ulterius ad Ma-
jellæ montis radices *Palumbarium* est: juxta Sa-
rum dein ad ejus dextram *Atissa*, *Tornaticumque*
castella. Sub *Sari* in Apennino fonte opida sunt
Asserulum, *Tescum*, *Opum*, *Vallis regia*, *Civitella*, *Rocca*.
De *Civitella* ita *Thuanus*: *Civitella* in *Carace-
nis* arduo colli imposita est, ab ea parte præru-
pto, qua septentrionem spectat, & per unam
partem mare Hadriaticum despicit. in imo colle
olim habebat arcem quinque propugnaculis
munitam, ab opidanis sub *Caroli VIII* in
Italiam adventum destructam, ne prædicatorum
insolentia ad prædam exponerentur. Ad
occasum ubi declivior est *Viperatam* fluvium
subiectum habet, haud longe ex Apennino ju-
xta *Gercetum* scatentem, qui flexuosis anfra-
ctibus vallem interfecat, unde illi nomen, & ad
Ægidii fanum in mare exoneratur: paulo infe-
rius *Salimellus* est, qui relicto ad lævam *Tur-
tureto* prope *Iuliam novam* decurrit. Trans
amnem antiquissima *Caracenorum* urbs *Aus-
dena*; in *Frentanis* hinc mare versus ad *Sarum*
vestigia reperiuntur urbis antiquæ, inquit *Le-
ander*, *Sari*, quemadmodum adhuc vocatur lo-
cus. Supra est *Palietum* oppidum, ob superiorem
urbem deletam, ædificatum. Altius secundum
Sari alveum *Mons planus*, editissimus ex Apenni-
no oriens adspicitur; in cujus declivitate supra
Sarum *Arca* est oppidum: aliaque in eodem
monte hæc; *Bomia*, *Colmetium*, *Trans-Rivum*, *Mons*

Ferrandus, & *Petra Ferracina*: deinde trans fontem
amnis supra *Petram Ferracinam* castellum *Pi-
lum*, civitasque *Bucellum*, & *Pescolum Penatarium*:
item ad *D. Angelum Pescolanum*, *S. Angelo di Pescoli*,
cum oppido *Iudico*, *Giudice*, cunis superbiente
Iacobi Caldora Domini, cujus facta describunt *Blon-
dus*, *Sabellicus*, *Corius*, alique. Succedit *D.
Petrus Avellanus*, & alia deinceps circa *Sarum*
oppida: quorum in *Pelignis* commemoratio.

Frentanis *Carentinisque* vel *Caracenis* jam expli-
catis succedunt *Peligni*, qui *Valva* nunc vulgo. *Peligni*.
Profectos huc quidam scribunt ex *Illyrico*, du-
ctu *Volfinii* regis *Luculli*: ei duos fuisse nepo-
tes *Pacinum* & *Pelinum*; ab hoc *Pelignos*, ab illo
nomen accepisse *Pacimates*. Potissimæ *Pelignorum*
gentis meminerunt nulli non veteres scripto-
res, cum primis *Livius*. Latet *Pelignorum* appel-
latio in quibusdam hujus regionis locis, *Paleno*,
Forca di Paleno, *Leto di Paleno*: quin totus ager *Pe-
lignorum* hodie corrupte *Palena* dici perhibetur.
Pelignis ab oriente flumen est *Sarus*, cum *Fren-
tanis* *Caracenisque*; ab meridie, *Vestini*; ab oc-
cidente, amnis *Aternus* cum *Marucinis*; ab se-
ptentrione, sinus *Adriaticus*. Loca eorum
specialiora sunt: *Scontronum* cum *valle Regia*:
D. Maria quinque millium; supraque *Arx* quinque
millium, de cinque miglia: *arx Rasini*, *Rocca de Ras-
ino*, cœnobium *D. Ioannis*, *Fossa Casa*, cum arce *D. Io-
annis*, *Furca Palena*, *Letum Paleni*, *Palenum*, *Altinum*,
arx Scalonia, *Gessum*, *Turricella*, *Pinna hominis*, *Mons
niger*, *mons Labianus*, *Falum*, *Luparella*, *Quartum*,
Misferatum, &c. *Pescum*, *Constantium*, *Rivus Sonulus*,
Planicies v-millium. Est hic in ora civitas antiqua
Ortona. Servare se gloriantur cives in augusta
æde *D. Thomæ Apostoli* reliquias. Adpellunt huc
naves ex *Epiro*, *Dalmatia*, aliisque partibus,
merces ad *Lanciani* mercatum deferentes.

Non procul ab *Ortona* oppidum est *Fran-
ca-Villa*. Introrsum dein *Majellam* versus *Givianum*,
Aretium, *Arevacrum*, *Casa Candidella*; tum al-
tius ad *D. Martinum*, *Falletum*, & alia. Hinc inter
Morum amnem & *Ortonam* sunt *Gracum*, & al-
tius, *Ariellum*, *Orsonia*, ad *D. Apollinarem*, *Frisum*, *Ca-
stellum novum Lanciani*, vulgo *Lanzano novo*. Dein
supra *Mori* initia duobus fere p. m. opidum est
Guardagallum, *Guarda di Gallo*. Prope *Feltrinum*
amnem in littore castellum est *D. Viti Lanciani*:
medioque hoc intervallo civitas visitur *Lancia-
num*, p. m. ab *Saro* iv, totidemque distans ab ora,
ob *Anxani* fortean interitum ædificatum. Cele-
bre est emporium: quo quotannis mensibus
Majo & *Augusto* *Italiæ*, *Illyrici*, *Siciliæ*, *Græ-
ciæ*, *Asiæ*, & reliquarum mundi partium nego-
tiatores ad frequentissimum conveniunt mer-
catum. Urbs *Archiepiscopum* habet, cui nullos
subesse *Episcopos* lego. In ora dein ad *Fori*
amnis ostium *Tullonum* est: supraque *Millianicum*
& altius *Fara*; ulterius *Rapinum*; oppidumque
Majellæ propinquum *Pinna*, *Penna* vulgo. Sequi-
tur

*Lanciani
Archiepi-
scopus.*